

## Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati  
Ac Religiosissimi viri, Carthusiae Coloniensis ante annos  
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati  
restituta, & indicibus locupletata

In Passionem D.N. Iesu Christi Homeliae quinquaginta sex, Theorematum  
viginti octo, totidemque sermones. In Monotesseron Praeterea Eivsdem  
Passionis Dominicae, iuxta Euangelistarum & historiae fidem, Elucidatio.

Conciones ad Haec Paraeneticae in praecipuis anni & Sanctorum  
festiuitatibus habitae

**Landsberg, Johannes Justus**

**Coloniae Agrippinae, Anno M.DC.XXVIIII**

Iesus à Scribis Pharisæisque in cruce illuditur art. & hom. XLVI.

[urn:nbn:de:hbz:466:1-47113](https://nbn-resolving.de/urn:nbn:de:hbz:466:1-47113)

à via Dei recedamus, nec propter mundanam honestatem aliquid agamus, quo minus placeamus Deo. Sed Deo placere, studium nostrum sit, quod si obtinere potuerimus, feliciter vivimus, quantum liber à mundo miseri, inopes atq; contemptibiles iudicemur. Iterum docemur, ante omnia seruare unitatem, concordiam, pacem, vt id ipsum velimus in Domino omnes, & non sint in nobis schismata. Nemo autor sit dissensionis, nemo dissidij, sed charitatem & pacem sectemur omnes. Pro ijs noster zelus adeò vigeat, vt pro charitate, Zelandum vnitatemq; ac pace, parati simus sustinere iniurias, contemni, pati damna, iuriq; pro charitate nostro cedere, ne scindatur unitas, nevè charitas laedatur. Dicis fortasse: Ego te & pace. inter eos habito, à quibus iustitia via non frequentatur, vbi nemo est qui Dei semitas non transgrediat. Dicunt enim bonum, malum: & malum, bonum. Esaiæ 5. Nunquid iam vt cum eis seruem charitatem, illorum moribus me conformabo contra conscientiam meam? Minime. Neque enim est dicenda charitas, quæ scita est in communione peccatorum, aut quæ participat in transgressione præceptorum Dei. Porro si tu verbo, si exemplo alios potes excitare, vt se tibi in bono conformat, optimam & Deo dignam rem facis. Si vero nihil proficis, & illi fortasse virtutem in te etiam persequuntur, sustine patienter, noli verbis contendere, sine eos in adiunctionibus suis ambulare, tu non re- 1. Tim. 2. linquas viam Dei. Noli deserere virtutem, pro qua si persecutione iniuriasq; sustinueris, in pace sustine. Non reddas malum pro malo, esto tu in pace, vt sis Tunica Christi non qui persecutionem facit, sed qui patitur: non qui inutiliter aut conten- fi quomo- tiose obiurgat, sed qui obiurgatur. Hoc modo Christi tunicam, hoc est, con- gregationem illam in qua viuis, non scindes, sed ipsi qui malis suis moribus denda. non sit scin- abstinerent nolunt, scindunt.

**I E S U S A S C R I B I S P H A R I S E I S Q U E I N C R V C E**  
illudetur. Articulus XLVI.

**P**RÆTEREUNTES autem blasphemabant eum, mouentes capita sua, & dicentes: Vah qui destruis templum Dei, & in triduo illud reædificas, saluum factem ipsum. Si filius Dei es, descend de cruce. Similiter & principes sacerdotum deridebant illum, illudentes ad alterutrum cum scribis & senioribus, & dicebant. Alios saluos fecit, seipsum non potest saluū facere? Si rex Israel est, descendant nunc de cruce, vt videamus & credamus ei. Se saluum faciat, si hic est Christus Dei electus: Confidit in Deo, liberet eum nunc si vult. Dixit enim, quia filius Dei sum. Illudebant autem ei & milites, dicentes: Si tu es rex Iudeorum, saluum te fac. Id ipsum autem & latrones, qui crucifixi erant cum eo, improperabant & conuiciabantur ei.

HOMILIA XLVI.

**M**AGNA hic inauditaq; Iudæorum probatur crudelitas, qui ne vlla quidem cōmuniouē naturæ Christo condolent patienti: sed feris etiam magna & inaudita, Crudelitas Iudæorum magna & inaudita.

O imma-

immaniores, Christum in extremis vita, atq; inter acerbissimas penas constitutum, vnde, vt ipsi putabant, se eximere non poterat, adhuc persequi non desinunt: & quia opere iam facere plura non poterant: persequuntur saltem lingua, Christo sua beneficia improperantes. Præteribant enim Domini crucem, mouentes capita sua ad alterutrum tam scribæ, quam seniores, milites quoque ac principes, & omnes qui doloribus Christi & cruciatibus merito compati debebant, adeo non sunt compassi, vt etiam irriderent, & exprobrent ei mansuetudinem eius atq; patientiam, quam pro infirmitate accipiant, quasi qui huiusmodi cogatur pari, necesse aut vlcisci aut liberare posse. Quæcunque illis ad eruditionem dixerat, eidem in contumeliam vertunt. Quicquid beneficiorum infirmis contulerat, quicquid fecerat signorum, ad ignominiam ei exprobant. Dicunt enim: *Vah quis destruxit templum Dei, &c. filius, inquit, Dei es, descendat nunc de cruce, quasi dicent. Nunc appetet nimis te esse deceptum, qui filium te Dei iacabas, quandoquidem à patre (vino minas) tuo nihil habes auxilij. Aut ergo te non amat pater, aut te non agnoscit filium. Neque enim in his te penitus finieret discruciaris, si te filij nominedit, gnaretur. Atq; rursus dicebant: Aitis saluos fecit, seipsum non potest salvum facere? Beneficia contulit sanitatum: veruntamen qua virtute id fecerit satisfactum. Sua enim virtute non fecit. Quomodo enim sua alios possit virtute curare, qui seipsum non potest? Minime existimandus est (si possit aut si virtute aliqua donatus foret à Deo) seipsum negligere, qui alijs se finxit succurrere. Non igitur sua virtute alios liberavit, quandoquidem liberare semetipsum non potest. Si rex Israel est, descendat nunc de cruce, & credimus ei. Regem testetur & Christum atq; Messiam, qui redempturus sit Israel. Redimat se ante de penam crucis, & confessim credemus ei. Credemus nos quoq; per eundem librandos si primum in eo viderimus virtutem, qua se redimat. Confidit in Deo, liberet cum nunc si vult. Vana est eius spes & fallax, quam habet in Deo, qua presumit se Dei esse filium aut amicum. Ostendat hoc Deus, quod illi sit cura ipso, quemadmodum utiq; cura esset, si filius Dei ille foret. At ubi nulla est cura Deo de illo, quis non videt fragmentum mendacitatis esse temerarium, quae Dei hic filiu iactitat? Descendat nunc de cruce, & credimus ei. Fraudulenta atq; dolo plena est hæc promissio, Maiora enim signa fecerat Iesus, quibus non crediderunt Iudei: vnde confitetur, quod tamen si descendisset, nullo tame pacto credidissent. Dixissent namq; arte magica, aut virtute dæmonum se liberasse, quomodo alta eius sunt miracula calumniati, ascribentes virtuti principis dæmeniorum. Quis enim dubitat, maius esse miraculum, mortuos resuscitare de sepulchro, quam viuum licet cruci affixum, descendere de ligno? Illud enim miraculum in Lazaro à Christo factum viderunt, cui noluerunt credere. Quomodo ergo crederent, si vel Christus de cruce descendederet? Sicredere velint, credant vel saltem resurgentem à morte, ac prodeunti clauso sepulchro: quod haud dubium multo est maius, quam descendere de crucis ligno. Christus enim quomodo multos suscitauit, licet iterum morituros: sic semetipsum resuscitauit resurgens, nunquam moritus. Nunquam tamē propterea Iudei vel postea credere illi voluerunt. Aduerte iam & expende, quam iniuriosum sit, Dei filio, in qd cui libet morituro, seu ad mortem damnato, illudere: quanto magis innocentis & filio Dei? Vide etiam quam sit dolorosum,*

Promissio  
Iudeorum  
fraudulenta

Morituro il-  
ludere quā  
sit iniurio-  
sum.

quam vulneretur quoq; quodvis cor hominis p;j, si infirmus sit, si patiatur, si derelictus fuerit & miser, nemo tamen illi in doloribus compatiatur, nemo illum infirmum consoleretur, nemo illi credat. Nonne hæc cordis duritia, quam apud eos qui illi cohabitant, aut illi astant, erga se sentit infirmus, plus ipsi corporalibus doloribus eundem affligit? Iam vide quantum tunc affligatur infirmus, ybi ei non solum non creditur, verum etiam in doloribus irrideatur, despiciatur, illuditur atq; eidem exprobratur. Super omnia autem & maximè vulnerat, si ab ijs sublannatur, quorum nomine, pro quorumq; salute vel calamitatem vel dolorem sustiner. Vide ergo iam, quomodo Christus Illusio ia subsannatur, irridetur, exprobraturq; ab ijs, quibus animam & corpus dede- cruce Christi, quibus seruabat vitam, quos pascebat, quibus sanitatem, robur, diuitias, fuerit dolos- honoresq; ac omnia reliqua tribuebat. Ad hos redemptor, à quibus blasphematur, venerat: ex eorum sanguine atq; gente fuerat natus, pro ijs patiebatur ipso colligere atq; salutare volebat, ipsi beneficia cum animarum tum corporum præstiterat: pro ijs tamen bonis omnibus ipsum occidebant. Ipse sanuerat eorum languidos, sed hoc ipsum iniqui ei peruerterebant, quomodo omnia exprobrabant ei beneficia, nihil moti quod paulo ante pro illis rogauerat. Fuit autem hæc machinatio ac instigatio diaboli, qui linguas Iudeorum excitabat, ut vel Christum ad impatientiam, vel ad desperationem moueret, aut ut per vanam gloriam de cruce descendere. Timebat enim diabolus multum, ne Iesus saluator fortasse esset mundi, videns in eo miram patientiam, id- eo nihil non tentauit, quo eius passionem impediret.

*Crux penitentie quomodo non sit deferenda, quam item derisiones prauorum probi quiq; patienter ferre debeant.*

**D**ocemur autem hic, à cruce penitentia, cœptop; opere bono non desi- Crucem p- stere, propter obtrœctantium deridentium vè linguis: sed constanter intentiæ nō longanimitate in via virtutis perseuerare. Iterum discere debemus, quendam esse derelin- ad derisionem virtutis aut patientiæ nostræ gaudere. Nam si Christo volue- Gaudendum ris vicem rependere aut gratias agere, non repondeas tu quoque exprobrau- esse ad deri- tibus tibi verbum. Si vero propterea, quia sustinendo patientem te exhibes, sionem vit- amplius deridet mundus: si haberis pro afino, velut qui iniurias non intelligat, & qui se aut non possit, aut non ausit vindicare: ascribaturq; ignauit tuq; quod est virtutis, gaude, quia Christo conformaris, & quia virtutem custo- dis, quoniam hic non habes honorem, præmium aut gloriam virtutis, sed in futuro accipies seculo.

*IESUS LATRONI SE INVOCANTI PARADISUM PROMISIT. Artio. XLVII.*

**V**NUS autem ex eis qui pendebant latronibus, blasphemaba cum, dicens: Si tu es Christus, saluum fac temet-ipsum, & nos. Respondens autem alter, increpabat eum dicens: Neque tu times Deum quod in eadem damnatione es. Et nos quidem iuste: Nam digna factis recipimus. Hic O 2 vero